



Број/Број: 03-/4-50-1-10-28-15/9
Сарајево/Сарајево, 21. 12. 2009. године

Z A P I S N I K

28. sjednice Zajedničke komisije za evropske integracije Parlamentarne skupštine BiH

Sjednica je održana 21. 12. 2009. godine, s početkom u 11 sati.

Sjednici su prisustvovali članovi Komisije: Halid Genjac, predsjedavajući, Ivo Miro Jović, prvi zamjenik predsjedavajućeg, Drago Ljubičić, drugi zamjenik predsjedavajućeg, Alma Čolo, Šemsudin Mehmedović, Zoran Koprivica i Selim Bešliagić.

Milica Marković, Branko Dokić, Hilmo Neimarlija, Božo Ljubić i Azra Hadžiahmetović opravdali su odsustvo sa sjednice.

U ime Vijeća ministara BiH sjednici je prisustvovao Samir Rizvo, predsjedavajući Interresorne radne grupe za liberalizaciju viznog režima EU za građane BiH. Sjednici su prisustvovali i predstavnici Misije OSCE-a u BiH, kao i predstavnici medija.

Sjednici su prisustvovala Vlatka Dangubić, sekretar Komisije, i Vladana Lučić, stručni saradnik u Komisiji.

Komisija je jednoglasno usvojila sljedeći

DNEVNI RED

1. Usvajanje Zapisnika 27. sjednice Komisije;
2. Izvještaj o izvršavanju Plana aktivnosti za ispunjavanje preostalih obaveza iz Mape puta za liberalizaciju viznog režima;
3. Tekuća pitanja.

Ad. 1. Usvajanje Zapisnika 26. sjednice Komisije

Zapisnik 26. sjednice Komisije usvojen je jednoglasno.

Ad. 2. Izvještaj o izvršavanju Plana aktivnosti za ispunjavanje preostalih obaveza iz Mape puta za liberalizaciju viznog režima

U uvodnom izlaganju, Halid Genjac je naglasio da u izvršavanju Plana aktivnosti za ispunjavanje preostalih obaveza iz Mape puta za liberalizaciju viznog režima ulazimo u završnicu i da su sljedeća dva mjeseca od krucijalne važnosti.

Samir Rizvo, šef Interresorne radne grupe za pregovore s Evropskom komisijom o liberalizaciji viznog režima, informirao je članove Komisije o preostalim zahtjevima Evropske komisije iz Mape puta za liberalizaciju viznog režima koje sadrži dokument „Dopunjena procjena realizacije Mape puta za viznu liberalizaciju Bosne i Hercegovine“ od 27. novembra 2009. godine:

- 1) Efektivno provođenje Zakona o graničnoj kontroli, što podrazumijeva usvajanje podzakonskih akata; od ukupno 13 podzakonskih akata do sada je usvojeno osam, a usvajanje preostalih pet je u toku.
- 2) Opremanje 36 najčešće korištenih graničnih prijelaza biometrijskim čitačima pasoša do kraja 2009. godine, a preostalih graničnih prijelaza u prvoj polovini 2010. U toku je isporuka većeg broja čitača. Do kraja januara 2010. planirano je da svi međunarodni granični prijelazi imaju instalirana najmanje dva čitača.
- 3) Izdavanje putnih i identifikacionih dokumenata za izbjeglice i lica bez državljanstva. U toku je nabavka opreme u Ministarstvu sigurnosti i Službi za poslove sa strancima te nabavka knjižica od Ministarstva civilnih poslova.
- 4) Pronalaženje održivog rješenja za lica koja traže azil u Bosni i Hercegovini. Trenutno nadležne institucije traže konačno rješenje za ova lica.
- 5) Usvajanje Prijedloga akcionog plana za provođenje Strategije za borbu protiv organiziranog kriminala. Vijeće ministara je osnovalo radnu grupu za izradu Prijedloga akcionog plana. Rad je u toku.
- 6) Usklađivanje krivičnog pravnog okvira usvajanjem izmjena i dopuna Krivičnog zakona BiH, i naknadno, u roku od 90 dana, odgovarajućih izmjena i dopuna

- krivičnih zakona entiteta i Brčko Distrikta. Očekivane izmjene i dopune Krivičnog zakona BiH potrebne su radi potpunog usklađivanja s Konvencijom Vijeća Evrope o akciji protiv trgovine ljudima, tj. u pogledu krivičnih djela trgovine ljudima. Prijedlog zakona o izmjenama i dopunama Krivičnog zakona BiH je u parlamentarnoj proceduri.
- 7) Realizacija Sporazuma o elektronskoj razmjeni podataka iz policijskih i tužilačkih evidencija koji je potpisan u septembru 2009. Kako je dogovoreno da smještaj servera za razmjenu zahtijeva prethodno uspostavljanje Direkcije za koordinaciju policijskih tijela, neophodno je brzo provođenje privremenog rješenja u koje treba uključiti sve relevante faktore na državnom i entitetskom nivou. Potrebno je poboljšati dostupnost informacija o drogama na graničnim prijelazima. U toku je planiranje aktivnosti za provođenje Sporazuma te pregovori s nadležnim policijskim službama o rješavanju ovih pitanja.
 - 8) Usvajanje Uputstva za informiranje o sumnjivim transakcijama. U toku je izrada Uputstva nakon čega će uslijediti obuke službenika zaduženih za izvještavanje te širenje mreže za izvještavanje o sumnjivim transakcijama.
 - 9) Provođenje Zakona o uspostavljanju antikorupcionog tijela.
 - 10) Imenovanje direktora i zamjenike direktora Direkcije za koordinaciju policijskih tijela. Očekuje se da Nezavisni odbor raspiše konkurs.
 - 11) Ukidanje entitetskih ombudsmena. Parlament Federacije BiH ispunio je ovaj zahtjev, a Narodna skupština Republike Srpske će, na narednoj sjednici, razmatrati Zakon o ukidanju ombudsmena.

Nakon razmatranja stanja izvršavanja preostalih 11 zahtjeva koje je potrebno ispuniti u navedenom roku, Zajednička komisija za evropske integracije jednoglasno je usvojila sljedeće zaključke:

I. Informaciju o izvršavanju aktivnosti na ispunjavanju preostalih obaveza iz Mape puta za liberalizaciju viznog režima, u pisanoj formi, dostaviti svim članovima PSBiH i rukovodstvima Parlamenta Federacije BiH i Narodne skupštine Republike Srpske.

II. Zadužuju se članovi Kolegija Komisije da, radi uspostavljanja željene dinamike u realizaciji aktivnosti, do naredne sjednice Komisije pribave detaljne informacije o procesu imenovanja direktora Direkcije za koordinaciju policijskih tijela i rješavanju pitanja lokacije servera koji će podržavati razmjenu podataka između policijskih agencija.

III. Komisija sugerira kolegijima oba doma PSBiH da se, prije upućivanja Zakona o sprečavanju sukoba interesa u parlamentarnu proceduru, pribavi mišljenje Venecijanske komisije, zbog povezanosti sadržaja tog zakona s nekim od zahtjeva iz Mape puta za liberalizaciju viznog režima.

Ad. 5. Tekuća pitanja

Halid Genjac i Ivo Miro Jović izvjestili su prisutne članove Komisije o V konferenciji parlamentarnih komisija za evropske integracije država jugoistočne Evrope obuhvaćenih procesom stabilizacije i pridruživanja, koja je održana 23. i 24. 11. 2009. u Beogradu, i najavili održavanje redovnog 12. interparlamentarnog sastanka Delegacije Evropskog parlamenta za odnose sa zemljama Jugoistočne Evrope i Zajedničke komisije za evropske integracije PSBiH, u Sarajevu, u februaru 2010.

Sjednica je završena u 12,30 sati.

Predsjedavajući
Zajedničke komisije
Halid Genjac

